

项羽本纪赞

史记

太史公曰、吾闻之周生^{汉时儒者}曰、舜目盖重瞳子。又闻项羽亦重瞳子。羽

岂其苗裔^异、邪、何兴之暴也。

重瞳、两眸子。苗裔、后嗣也。暴、骤也。○从兴之暴、想到舜。然舜羽非伦、故又想到重瞳子。史公论赞、往往从闲处写、极有丰神。

夫秦

失其政、陈涉首难、

去声、

豪杰蜂起、相与并争、不可胜

升

数。上声、○秦二世元年七月、陈涉等起大泽中。蜂起、言多

也。斯时相与争天下者、不可胜数、而欲崛起定霸、盖亦甚难。○振数语、逼入项羽、有势。

然羽非有尺寸乘势、起陇亩之中、三年、遂将

五诸侯灭秦、分裂天下而封王侯、政由羽出、号为霸王、位虽不终、

近古以来、未尝有也。

乘势、乘豪杰之势也。五诸侯、齐、赵、韩、魏、燕。○一段正写其兴之暴。极赞项羽。

及羽背关怀楚、放逐义

帝而自立、怨王侯叛己、难矣。

背关、背约、不王高祖于关中。怀楚、谓思东归而都彭城。义帝、楚怀王孙心、项梁立以为楚怀王、项羽尊之为义帝、后徙之长沙、阴令人击杀之江中。

○一贬

自矜功伐、奋其私智而不师古、谓霸王之业、欲以力征经营天下、

五年、卒亡其国、身死东城、尚不觉寤、而不自责、过矣。

二贬

乃引天

亡我非用兵之罪也、岂不谬哉。

三贬驳。○前后兴亡二字相照、三年五年、并见兴亡之速、俱关键。过矣谬哉、唤应绝韵。

一赞中、五层转折、唱叹不穷、而一纪之神情已尽。